



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 3

Yangia anidakangma : Tir Yimym

tir_yimym

tir yimym

TAPAK 8

Rahul aser Akhilesh na den jembitsü
kü dang mepishi: Kiren Rijiju

Iga Swiatek-i Canadian
Open kokogo



VOL. XXIII ISSUE NO. 303 (ADOK 303) DIMAPUR KÜPTOKNÜ (SATURDAY) LUROI (AUGUST) 15, 2026 ₹ 5.00

Nagaland nung I-Day atema security akangshiogo

Kohima, August 14, 2026 (TYO): Nagaland nung Independence Day jakdang security akangshiogo aser State Police-i hopta ka tema Assam Rifles aser CRPF den yaritepa arudar ta Nagaland Additional DGP (Law & Order) Sandeep M. Tamgadge-i ashi.

Nagaland nung Independence Day nung tensa aziüoka ayutsü aser sentongtem tiptema agitsü Tamgadge-i ashi.

Naga Students' Federation (NSF) aser parnok federating units-i National Song, Vande Mataram tetuyuba anema Independence Day mokdangtsü ayongzüka atema asüingdangdang "teloktemi voluntary temepishibatem dang agütsü" ta Additional DGP-i langzü.

Tashiym agi benjungmung nung madentsü noktanga ken o kecha police tsüingdang benoka mali. Ibala ken o benokra mapa inyaksü ta Tamgadge-isa shisem.

Independence Day ya linük sentong kalir aser senso ajaki iba benjungmung adentsü mepishir ta paisa metetdaksü.

National Song (Vande Mataram) atentsü yim metetdaksür

Nagaland nung 80 buba Independence Day amungtsü sentong tajung renemogo aser Kohima nung anepdang 9:00 ako

nung Nagaland Secretariat Plaza nung iba sentong agitsü.

Iba sentong nung Chief Minister-i National Flag atsükettsü aser State Police, Para Military Forces, Home Guards, Ex-Servicemen, NCC tangartemi Guard of Honour aitsü.

Districts aser Sub-divisions nung Deputy Chief Ministers, Ministers, Advisors aser pei pei ADCs/SDOs-i National Flag atsükettsü aser Rashtriya Salute agitsü.

Taküm Independence Day atema Ministry of Home Affairs, Government of India-i tuyuba ama Chief Minister tesem tonga aruba sülen National Song (Vande Mataram) atentsü, iba sülen National Flag atsükettsü aser National Anthem atentsü.

Chief Minister-i o jembiba sülen National Song (Vande Mataram) maneni atentsü aser iba sülen National Anthem atentsü.

District aser sub-division tem nung Independence Day sentongtem nunga MHA-i tuyuba ama inyaksü.

Sentongtem nung National Song (Vande Mataram) atandang tesentepertemi National Anthem atandang noktakba ama noktaksü.

Kohima nung State level sentong ya State IPR Department 'DIPR Nagaland' indang official YouTube channel nung Live sayutsü.

NSF-i 80 buba Independence Day ayongzüka amung



Kohima, August 14, 2026 (TYO): Naga Solidarity Park, Kohima nung NSF-i ayongzüka 80 buba Naga Independence Day amungdang o jembirtemi Naga nung longjemtsü, külem maitsü wazüka ayutsü aser Naga yimten tekaraba nung latettsü indang jembiogo.

India'er Independence Day jakdang anogo ka jelia amungba benjung nung Naga National Flag atsüket aser Naga telok balala nungi teshimtet nübotem den public-i shilem agiogo.

Iba sentong nung o jembitsü atema jaoker Advocate Tongpok Pongener-i ashiba agi "küm 80 tejakdang August 14 ya Naga Independence Day ta sangdonga liasü aser iba ya Naga lennirtem aser loktitem külemi longjemer inyakba ajanga koktetba mapa ka liasü."

"Iba mapang lennirtemi temulung ka asütsü atema yimtsüngtem sema senzü aser par putu nung modern communication facilities maliasü" ta pai ashi.

"Iba mapang Naga nungeri shinga kübok malitsü taginüba tulu liasü aser linüktem rongnung linük ka ama liyonga onüa liasü. Parnoki kidangertem den tesentaktep tajung yur linüa liasü" ta Advocate Tongpok Pongener-i ashi.

Ajisüaka, Naga movement nunga tammang putiotsü ka lir aser iba otsü nung Naga nung sasep nung mangatettep, azütokshitepba aser Naga loktiliba loksaa aoba lir ta pai ashi.

"Asenok longjemba loksaa aotsü tenzük aser maneni telemsa adokra aser temulung melemtepra, Naga nungeri

taginübatem metongtettsü" ta pai tebilemdangtsü olen ka ashi.

Naga loktiliba sasep nung telok balala loksaa aoba aser telemsa aliba ki ka menokdaktettsü. Anungji asenoki kintem aser teloktem tsüngda temulung lemtepa aser adianu tangatetba adoktsü atema meranga inyaksü nüngdaker ta Advocate Tongpok-isa ayongzü.

Paisa lanuputu dang loktiliba nung apulartem asütsü mepishia ashi. "Nenok pei pei kin aser teloktem nung dang melii kin aser telok balala tsüngda apulartem asütsüla" ta Tongpok-isa ayongzü.

Paisa Khristan tesayubatem sülen anidaktsü aser Naga nungeri tesüiba nung aibelenbatem nungi angazüker Tsüngrem dang nungi shisatsü meshia alitsü ayongzü.

Kr. Atongjungla Walling Miss Mokokchung kümogo



Miss Mokokchung Atongjungla Walling (tiyong), Runners Up Miss Chubaienla Pongen (Abelen) aser 2nd runners Up Miss Reshma Sahani (achichi) tangokba noksa.

Mokokchung, Luroi/August 14 (TYO): Forerunners Mokokchung teloki ayongba Miss Mokokchung 2026 tetoktepba nung takok angurtemji Miss Mokokchung Atongjungla Walling, Runners Up Miss Chubaienla Pongen aser 2nd runners up Miss Reshma Sahani adoka liasü.

Iba tetoktepba nung jenjang balala (Subtitle) nung senpet balala angur yamai liasü. *Queen of hearts- People's Choice*

*Award- Miss Limasungla Imsong
Miss Congeniality- Miss Likhum S. Sangtam
Miss Beautiful Smile- Miss Lily Rai
Miss Beautiful Skin- Miss Lily Rai
Miss Perfect 10 - Miss Yangersenla
Miss Runway- Miss Aying Y Konyak
Miss Photogenic - Miss Atongjungla Walling
Miss Talented -Reshma Sahani*

Kumlong ward pur community hall tasen yangluogo



Mokokchung, 14th Aug (TYO): Nagaland RD & SIRD Minister, Metsübo Jamir-i Mokokchung town kübok Kumlong ward pur Community Hall-cum-Amenity Centre tasen asüba ka lapoktsüogo. Iba ki ya "Iconic Project 2025-26" kübok sen crore 1.8 shi intoka renem ta kisür luden ajanga metetdaksü. Kümlong Baptist Arogo Pastor, Kikum Longkumer-i iba ki meshitettsü.

Iba ki ya taoba mapang community hall, youth hall aser Sub-Centre ama amshia liasü, item ki tejenbato bentoker tasen küma yangluba lir. Kiji modern design nung ki tesatem den metsümeshiba aser nüngdakba balala keta yangertetogo. Tesemdanger tongti Metsübo-i jembidang, ki asütsüba ya mapa temela masü saka asenok

lungjema aser putepa aliba ajanga iba ya takok ngua yangertetogo, iba ki ya asenok meyong lir, anungji, tamshi shia aser meima anepalutsü asoshi pai mepishia metetdaksü.

Iba ki ya pa aser par kibong konang bushitsü atema sütsüba masü, saka ibai kiyonger konang aser telungjem mapa ka lir, aser ibai tangar tsüngdang nüma tangtetsüba mapa ka lir, anungji, tangari junger ta shitettsüa tang amai asenok lungjemer mapa balala inyaksü asoshi pai ayongzü.

Paisa teinyaktsü mapatong ka lemsatepdang, Kumlong ward nung ano amphitheatre ka yanglutsü asoshi mapatong ka benoka lir, anungji, ibajia tekaratiba nung mapa akümtsü imlaa atar, ta ashi.

Sentong nung Mokokchung Municipal Councilor Satemkala,

Kumlong ward chairman Imtitoshi Jamir, Construction Committee luden nungi C. Tia Longkumer, Kumlong ward Secretary K. Wati Aier parnokia shilem balala agia jembi. Shilemagir balalai Minister Metsübo-i Kumlong nüburtem asoshi ki tajung yangertsüba asoshi pelaba lemsatep.

Mokokchung Deputy Commissioner Ajit Kumar Verma IAS, Sr. S.P Vesupra Kezo NPS den sarkar ketdangsürtem, Ungma yimden, ward balala nungi yimden yimsüsürtem aser telok balala nungi tongtibang nübu aika adenshia iba ki lapokba sentong kanga meraketa agia liasü.

Kumlong ya 27 Mokokchung Town Assembly Constituency kübok ward rongnung ka lir. Tanungba ward pezüji - Kichutip, Aongza, Salangtem aser Mongsenbai lir.



SHITAK SHIMTSÜ ATEMA CONSUMER TEM NEM TANGAZÜKBA SHITAK AGÜTSÜTSÜ

TEA MARK REPRANGANG
CHICHIBA INDIA SÜNGO SHIMANG



TEA MARK INDANG

Tea Mark ya jenjang aser India süngo tenzükba indang osang tejangja agütsütsü atema
Tea Board India-i tenzükba voluntary quality certification scheme ka lir.

Iba yagi chichiba India süngo jangjatsü atema comsumer tem nem teyari agütsür.

ASSURED ORIGIN	TRANSPARENCY	QUALITY TESTED	FSSAI COMPLIANT	GENUINE INDIAN TEA	CONSUMER CONFIDENCE
Atsü nungi chichiba India süngo	Atsü nungi marok tashi inyakyim ajak temerek	Batch ajak FSSAI parameter tem atema agizüker aliba laboratory tem nung tendanger	Food safty standard (FSSAI) sülen anidaker	Label taila kecha mali	Shitak shimtsü atema nü nem teyari agütsür

LAUNCHING ON
15 AUGUST 2026

Tea Mark reprangang. Chichiba India süngo aliang

www.teamarketplace.in



Metsubo-i Tuli nung tzümetsüng agi kongshir aliba tesem semdang

Dimapur, Luroi/August 14 (TYO): Minister for Rural Development & SIRD, Metsubo Jamir den Advisor for Fisheries & Aquatic Resources, A. Pangjung Jamir, aser Advisor for Information & Public Relations, Soil & Water Conservation, Daochir Imchen nungeri August 13 nü Tuli kübok

tzümetsüng agi kongshir aliba tesem balala semdangogo.

Kasa anogo Tuliyoung Community Hall nung administration, kiyong aser yimtsüng balala nungi Council Chairman tem den senden ka menogo.

Senden nung tesemdangertemi, tzümetsüng

arur aliba mapang aser tziü asemshia aoba sülen ken o dak sendaka aliba lokti tentet balalai takaratiba nung jenjang tapet agiba atema tenüngsang agütsü, aser tarutsü nunga iba amala timtem lendong balala atalokba mapang mulungsoa teyari agütsütsü asoshi ajungshia liasü.

MCTE nung ki tasen semzükogo

Dimapur, Luroi/August 14 (TYO): Mokokchung College of Teacher Education (MCTE) nung Minister for Higher Education & Tourism, Government of Nagaland Temjen Imna Along-i academic ki tasenba semzüksüogo.

Sentong nung o jembiba mapang Minister Imna Along-i, MCTE ya state asoshi takok tulu ka ta shia, jenjang aketba kaketshisatsü angazüksü asoshi Nagaland aser tangalen nungi kaketshirtem iba college ajanga ajangzüksü, ta ashi.

Iba riju maneni renloka aotsü imla ataba lemsatepba den Minister-i, Higher Education Department kübok terenlok maparentem indang lemsatep, kong PM-USHA scheme kübok

MCTE nung yipden 40 aketba tetsür hostel ka, Mangkolemba nung Model College tasen ka yanglutsüba aser district balala nung project balala inyaksü aliba densema lir.

Maneni pai taoba mapang aser tang tinyakdak aliba tesayurtem nem tenüngsang agütsü aser parnok ya sepaitem mesüker shirnoki parnok mapang, teka aser tebilemba kaketshirtem anitetsü aser asen lokti tarutsü yangertsü atema bendanga agütsür, ta ashi.

Minister-i nüngshilong lapoktsüba sülen sentong tenzük. Iba sentong ya MCTE Assistant Professor Sekulu Nienu lenisüba nung agi aser MTBA Pastor Rev.

Temsuwati-i ki meshiteta sarasademja liasü.

Sentong nungsa MCTE Principal Dr. T. Alemla Longkumer-i lokti pela agizükba o jembiba aser iba sülen kaketshirtem aser tesayurtemi "Tangula Tasen (New Breath)" ken tena liasü.

Maneni sentong nung Directorate of Higher Education nungi Joint Director (Planning, Budget & Accounts) Dr. Hukato Swu-i o tatsüka jembiba aser Executive Engineer of PWD (Housing), Education Division, Kohima-i technical report agütsü. Sentong ya Assistant Professor aser IQAC Coordinator, MCTE Kerilhusa Peseyie-i tepela o jembir tembanga liasü.

DY. CM. Y. Patton-i Mon semdang

Dimapur, Luroi/August 14 (TYO): Deputy Chief Minister Home & Border Affairs, Yanthungo Patton-i August 14 nü Mon jila nung anentsüh agi kongshir aliba Defence Colony, Thamnan Ward aser Techa Ward semdangogo.

Pa meina Advisor Sethrongkiu Sangtam, MLA Naiba Konyak, MLA Limaonen Chang, MLA Manpon Konyak, ADGP Renchamo Kikon, IGP V.Z Angami nung o liasü.

Mon DC Conference Hall nung senden tatsüka amenba mapang Patton-i ashiba agi, July 19 nü tatalokba ya kanga dang tia maka tatalokba ka aser parnok mapang tang mezüngbuba Nagaland nung iba amala lendong ya atalokogo.

Paisa, sorkari takokba tashi teyari agütsütsü aser Mon yanglushiba nongita yaritsü tenangzükba agüja liasü. Patton-i, kiojen aser lenmang amala raksar alibattem takaratiba nung yanglutsü atema Administration, Police, DDMA aser lokti tentet balalai kechi report sa agütsüdir aji

state sorkari Centre sorkar dangi abentsü, ta ashi.

Social media nung mejangjaba osangtem prokshiba dak tamang makatsü asoshi nüburtem dang mepeshia pai, state sorkar aser Central team-i lendong atalokba tesem semdanga asadangogo aser takokba tashi teyari agütsütsü tenangzükba agütsüogo, ta ashi.

Minister-isa, SP-i anir District Administration, Police, SDRF Mon, KU, KNSK, KSU, volunteer tem densema rescue team ajak dang parnok mapa tajung asoshi kanga pelaba lemsatepogo.

Iba senden ya Deputy Commissioner Mon, Wennyei Konyak, NCS lenisüba nung amen aser pai lokti pela agizükba o jembiba liasü. Paisa, Minister aser par team dang Mon semdangba atema kanga pelaba lemsatep aser July 19 anepdang tatalokba indang video tatsüka sayua liasü. DC-i ketdangsürtem dang parnoki teyari agüja Mon yanglushitsü temepishiba ka agüja liasü.

Dir. of WRD-i training atema tejangrartem jaoker

Dimapur, Luroi/August 14 (TYO): Directorate of Women Resource Development, Nagaland-i, 2026-2027 küm atema Baking & Confectionery aser Hairstyling angazüksü tejangraba aliba tetsür candidate tem apply asütsü atema jaokogo. Iba ya tanabuba batch asütsü.

Training ya Multi Training Centre (MTC), Bayavü, Kohima nung agütsü aser course shia trainees 10 dang agütsü. Training ya September nungi tenzüksü aser November ita tembangtsü.

Baking & Confectionery course atema applicant tem ya Class X pass sür alitsüla aser August 31, 2026 tashi nung arishi küm 18 nungi 35 tsüingda asütsüla. Kasaji Hairstyling course atema apply asüba candidate tema Class X pass sür alitsüla aser arishi küm 18 nungi 35 tsüingda asütsüla.

Directorate-i ashiba agi, applications benoktsü atema tatembangbuba anogoji August 26, 2026 asütsü. Candidate tem

ya interview agiba sülen shimtsü, koba August 28 nü 10:30 ako nungi tenzükba Multi Training Centre, Bayavü, Kohima nung agütsü.

Applications ya mezüngpur mezüng yayem nung agizüksü aser course shia atema intake ratio 1:3 asütsü.

Tejangrartem dang parnok indang applications ya Director, Women Resource

Development dangi plain paper nung parnok indang bio-data jangja jangja zülur benoktsü metetdaksüogo. Application den külemi tawa tangokba passport-size photograph ana, mark sheet, birth certificate, ST Certificate aser tanga kuli kakettem peisasa attest sür bener arutsü metetdaksüogo.

Application tem ya Officer-in-Charge, Multi Training Centre (MTC), Bayavü, Kohima nem agütsütsü. Osang tejangjaba agütsü atema applicant temi iba number: 7005658092 nung tongteprateptetsü, ta metetdaksüogo.



Mokokchung, Luroi/August 14(TYO) : Ao Kaketshir Mungdang-i(AKM) ayongzuka tanu AKM office nung 80 buba Naga Nüchiso Anguba anogomung sentong "Rooted in History, Rising with Purpose" ta asüba omen nung ajemdaker ayongzuka kaogo. Iba sentong nungya omen dak ajemdaker taoba Ao Senden kimen Wb.Aoshingang ajanga jembiba aser Naga nung nuchiso anguba tamaitüsü AKM Tir Sb.Lanulemba Longchar-i Naga nung wako atsüketa liasü. Iba sentong nung Ao Senden, Watsü Mungdang aser tzükong trok nung Kaketshir Mungdang lenirtem dena liasü.Sentong temer kelen sentong nung adenertem külemi tangokba noksa nungji angur.

Iran Tir, Pezeshkian-i India semdanga BRICS summit nung adentsü

New Delhi, Luroi/August 14 (Agencies): Tang West Asia nung rara aliba mapang ka nung Iran Tir, Masoud Pezeshkian-i New Delhi semdanga BRICS summit nung adentsü.

Taruba ita New Delhi nung BRICS senden nung Pezeshkian-ia shilem agitsü, ta Iran ketdangsertemi metetdaksü.

India chairmanship nung New Delhi nung 18buba BRICS Summit ayongzüka agitsü. Iba summit ya India nunger omen "Building for

Resilience, Innovation, Cooperation and Sustainability" nung ajemdaker agitsü.

Iran-i West Asia nung rara anentsü atema inyaksangshiba nung India ya partner tajung ka lir, ta metetdaksü. Iran Foreign Minister Abbas Araghchi-i, tang aliba tensa süngjemtsü atema New Delhi-i tongti shilem agitetsü akok, ta shiogo.

Taküm June ita nung India nung BRICS foreign minister tem senden aliba mapang nung

osangbenertem den jurila jembidang Araghchi-i, iba tensa ya rara ajanga mebenettsü saka ken o jembiba ajanga dang bentettsü, ta metetdakja liasü.

June ita nung India semdanga mapang nung Araghchi-i India external affairs minister S Jaishankar-a ajurua West Asia tensa atema jembiba.

Taküm February 28 nü US aser Israel nati senteper Iran amakba sülen West Asia nung rara adoka tang tashi tensa mesüngjemer.

Rahul aser Akhilesh na den jembitsü kü dang mepishi: Kiren Rijiju



New Delhi, August 14 (Agencies): Parliamentary Affairs Minister, Kiren Rijiju-i, kanga tongtibangb bills- FCRA, Delimitation aser Women's Reservation atema Congress lenir Rahul Gandhi aser Samajwadi Party tongti, Akhilesh Yadav na den jembitsü atema opposition MP tem aikati kü dang mepishia liasü, ta metetdaksü.

Rijiju-isa, MP aikati item onük nung o entepnüa liasü saka parnoki shilem magitet, kechiyong par lenirtemi senden nung o lemteptsü atema temelaba magütsü, ta metetdaksü.

Tzüngluruwa mongpu Parliament senden Brihostibarnü tembangba sülen anogo ka lir interview ka nung jembidang Rijiju-i, "Ni Rahul Gandhi aser Akhilesh Yadav na den jembioigo aser opposition lenirtem aika den sensaksemogo," ta metetdaksü. "Opposition MP tem aika kü

dangi arua kü dang item bill atema Rahul Gandhi, Akhilesh Yadav aser tangar kar den jembiang ta mepishia liasü. Onoki jembiniä liasü saka parnoki manga," ta paisa metetdaksü.

Rijiju-i, "Sorkari item bills mebenokdang Business Advisory Committee nem tama metetdakja liasü aser Opposition party tem den-a jembioigo. Opposition den mejembii bill ka danga agizükba mali," ta metetdaksü.

Parliament nung o junga melemtepi House anaprongla nung bill 12 agizükogo.

"Parliament züngsem ka ama nibo item bill atema o lemtepnüa liasü aser o jembitsü atema züngsem ajak nem mapang peria agütsünüa liasü. Ajisüaka tamakokertemji opposition lir, kechiyong parnoki parnok tebilemba melemsateptet," ta pai metetdaksü.

Foreign Contribution (Regulation) Amendment Bill, 2026 dak sendakba nung Rijiju-i, iba bill ya agizüktettsüa onok züngsem peria dang liasü, saka sorkari iba bill ya Joint Parliamentary Committee ka nem agütsütsü telemteba agi, ta metetdaksü.



GOVERNMENT OF NAGALAND
DIRECTORATE OF TECHNICAL EDUCATION
Nagaland : Kohima - 797 004



NOTIFICATION

NO.DTE/ESTT-2/NEET/02/2026: The interested candidates of NEET - (UG), 2026 are hereby informed that vide RIMS, Imphal letter No.ACADEM/ADMN/UG/1/2026-Academic Section dated 12th August, 2026, applications are invited for admission into MBBS course during Academic Session 2025-26 for the following seats:

(i) EWS (Economically Weaker Section) - 11 seats
(ii) Open North East (NE) - 10 seats

The prescribed application form is available on the Institute website. The last date of submission of filled-in applications to the Dean's Office is August 26th, 2026 upto 4:30 PM. Scan copies of the filled-in applications along with the required testimonials may also be sent by e-mail to - "admissions.rims.imphal@gmail.com" on or before the deadline given above. Counseling is fixed on 3rd September 2026 at Jubilee Hall, RIMS, Imphal.

The selection of the candidates shall be purely on the basis of merit (rank) in NEET-UG-2026
The following documents are required along with the application:

1. Domicile certificate/PRC (not the Temporary Residency Certificate)
2. Admit Card of NEET-UG Exam 2026
3. Score Card of NEET-UG Exam 2026
4. Age Proof Certificate (Class X pass Certificate)
5. Pass Certificate of Class XII and Marksheet
6. EWS certificate issued by the competent authority of the State from where the domicile certificate has been issued (for those candidates applying under EWS Category) valid for the year 2026-27.
7. Passport photograph
8. Proof of payment of counselling fee - Rs. 1000/- (information available in the form).

N.B: The list of eligible candidates for attending the counselling will be notified in the Institute website. Candidates are advised to check the RIMS website (www.rims.edu.in) periodically for any update.

(ER. VIPULHOU LHOUGU)
Director



PROGRAMME FOR CELEBRATION OF
80th INDEPENDENCE DAY
ON 15th AUGUST, 2026 AT NAGALAND CIVIL SECRETARIAT PLAZA, KOHIMA



0600 hrs : Hoisting of National Flag in all Government Offices, Institutions, Public & Private Buildings.

0850 hrs : Review of Parade by DGP, Nagaland.

0900 hrs : 1. Arrival of Hon'ble Chief Minister
2. Singing of National Song
3. Hoisting of National Flag by Hon'ble Chief Minister
4. National Anthem
5. Inspection of Parade by Hon'ble Chief Minister
6. Address by Hon'ble Chief Minister
7. Singing of National Song
8. National Anthem
9. Presentation of Awards
10. March Past

PARADE CONTINGENTS:

- a. 13 Assam Rifles Bn.
- b. 78 Bn. CRPF
- c. 105 Bn. BSF
- d. DEF, Kohima
- e. Arunachal Pradesh Police (IR)
- f. 4th NAP Bn.
- g. 10th NAP (IR) Bn.
- h. 15th NAP (IR) Mahila Bn.
- i. Home Guards, Civil Defence & SDRF
- j. Ex-Servicemen
- k. Nagaland Police Central Brass Band, PTS
- l. Nagaland Police Auxiliary Brass Band, 4th NAP Bn.
- n. 13 Assam Rifles Pipe Band
- o. 15th NAP (IR) Mahila Pipe Band

Parade Commander : Shri Akihito X. Chishi, NPS, Dy. Commandant, 1st NAP
Second-in-Command : Kmr. Alovika Swu, NPS, Asstt. Commandant, 12th NAP

LAUNCH / INAUGURATION / RELEASE / COMMISSIONING BY THE HON'BLE CHIEF MINISTER

1. Launch of Nagaland Integrated Information System (NIIS) and Virtual Inauguration of NISS Hub, DIPR, Kohima
2. Launch of 'Education Management Information System' under School Education Department
3. Virtual Inauguration of 10 MW Solar Power Plant, Hovukhu, Niuland under New & Renewable Energy Department
4. Release of 2 (two) Documented Books on Traditional Attires and Ornaments of the Indigenous Tribes of Nagaland – NHHDCCL
5. Virtual Commissioning of the Naga Model Integrated Settled Farming at Boke Botsa, Kohima District under Water Resources Department

Entertainment:

- a. Song : "Sümi Xülhe" by Living Voices, Dimapur (TaFMA)
- b. "Threads of Naga Heritage: Many Tribes, One Nagaland" by NSSA Cultural & Aesthetic Club

Cultural Presentation:

a. Mima Women Society Cultural Troupe	: (Angami Tribe)
b. Konyak She-Ong Cultural Society Kohima	: (KonyakTribe)
c. Tesophenyu Group Union	: (Rengma Tribe)
d. Bhumnyu Cultural Troupe Kohima	: (Phom Tribe)
e. Mangmetong Cultural Club Kohima	: (Ao Tribe)
f. Chang Dombü Edou	: (Chang Tribe)
h. Sumi Cultural Society, PCP Kohima	: (Sumi Tribe)

VISIT OF INSTITUTIONS BY CHARITABLE ORGANIZATIONS (1200 hrs onward)

1. Nagaland Contractors & Suppliers Union	: Jo Foundation
2. Puliebadze Club	: Mt. Gilead Home
3. Lions Club	: State Mental Health Institute
4. Royal Club	: Bright Morning Star
5. Classic Club	: Kohima Orphanage & Destitute Home
6. Rotary Club	: Cradle Ridge
7. Hindu Kalyan Samiti	: Old Age Home
8. Indian Red Cross Society, Nagaland State Branch	: District Jail
9. Kohima Chamber of Commerce & Industry	: Tabitha Enabling Academy
10. Kohima Masjid Committee	: Cherry Blossom
11. Nagaland Adventure Club	: Kevi Children Home
12. Spikes Club	: Oncology Department at NHAK
13. Gorkha Public Panchayat	: Leprosy Hospital, Nagabazar

Distribution of Sweets at the Parade Ground by DRDA, Kohima.

EVENING PROGRAMME AT SECRETARIAT PLAZA

1500 hrs : Exhibition Football Match
Secretariat United FC vrs Vanguard FC (Old boys)

1600 hrs : Prize Distribution

1630 hrs : Band Display

1. 13 Assam Rifles Pipe Band
2. Nagaland Police Central Brass Band, PTS
3. 15th NAP (IR) Mahila Pipe Band
4. Nagaland Police Auxiliary Brass Band, 4th NAP Bn.

Beating of Retreat

1800 hrs : Governor's "At Home" - By invitation



TIR YIMYIM YIMOBILEM (EDITORIAL)

DIMAPUR

KÜPTOKNÜ

LUROI 15, 2026

Vande Mataram

- P Tiamongba Aier

August 11, 2026 nü India President Droupadi Murmu-i Prevention of Insults to National Honour (Amendment) Bill, 2026 mulunga agizük aser iba ajanga National Song Vande Mataram nem National Anthem nem agütsüba kasa jenjang agütsüogo. President Droupadi Murmu-i agizükba ajanga Prevention of Insults to National Honour (Amendment) Bill, 2026 ozüing ka ama kümogo aser joko India nung Vande Mataram matener mesüra matemertem temerenshi angutsü. Rajya Sabha-i July 29, 2026 nü Bill agizükba sülen Lok Sabha nunga July 30, 2026 nü Bill agizüka liasü. Iba ajanga ashishitep ken o tulu ka adokogo aser Nagaland nunga Naga Students Federation (NSF)-i arkotong ser Vande Mataram atemtsü mesüra atentsü ozüing anema noktaker aser Independence Day benjungmung nung kaketshirtem shinga nem-a shilem magidaksütsü tetuyuba agütsüogo. 1937 küm Jawaharlal Nehru-i anir Congress-i Vande Mataram nung mezüingbuba tekong ana dang amshitsü telemtetba agia liasü. Tanüingba tekongtem nung Hindu nunger tetsür tsüngremtem tetshia aliba ya Muslim nunger kari magizükba agi Congress-i mezüingbuba tekong ana dang amshitsü lemtet aser yamaji January 1950 nungi küm aika benshia aru. Ajisüaka, November 7, 2025 nü Centre sorkari national song Vande Mataram küm 150 ajungba tenüing nung küm ka piyong benjung amungtsü tenzük aser lia arudang ken nung tekong trokprongla atentsüla mesüra atemtsüla ta asüba onük benokba sülen ashishiteptsü tenzük. Taküm February ita Centre sorkari state sorkartem aser tanga sorkar reju ajak dang national anthem, Jana Gana Mana jakdang national song Vande Mataram tekong trokprongla atentsüla mesüra atemtsüla ta tetuyuba ka agütsüba sülen o kanga atsütepa jembia liasü saka tatem nung ozüing akümtsüsa ang mapang ka ajuruogo. Tetsü tasoli meimba, akhümtsüsuba, menungraba, kümzüka ayutsüba indang ken mejema atener, sangro azünger aser o jembir, aser reprangdangra Vande Mataram mezüingbuba tekong ana nungji iba indang dang shia lir aser iba jagi mashishitepi dang tena mesüra tema aruogo. Saka tang Centre sorkari ken nung tekong trokprongla atentsüla ta asüdag, tanüingba tekongtem nungji Hindu nunger tetsür tsüngremtem Durga, Kamala (Lakshmi), aser Saraswati nunger külema tushia lir. Süra alima nung democracy linük tulutiba ta ajaba India nung, nisung o tamangba yimsü temeyoktep aliba linük ka nung, Hindu nunger tsüngremtem tushiba ken kechi südir süaka senso ajaki atentsüla ta ozüing akümba yabo tashiyim mapa ka lir. Saka asenok asoshi tebilemdangtsü ka alibaji Opposition lir aser iba ozüing yanglua agizükdang Opposition kong liasü ta bushitsü nüngdaker. China nung Xi Jinping mesüra Russia nung Vladimir Putin mesüra Middle East nung Chubatem yimsü asüba ama 1947 nung India linük British sorkar nungi nüjiso anguba sülen nisung shinga nem-a yimsü südakja maru aser mesüdaktsütsüla sernung tanü tensa reprangdangra India madak Narendra Modi nem yimsü südaktsünür aser India ya Hindu Rashtra (Hindu linük) ka ama kümdaktsünür ama ajiteter kechiyong Centre nung Opposition-i anir state o union territory nung sorkartemi kecha mashir, ola madoker aser odang anidaker. Tangari ola madok yonga Nagaland, Meghalaya, Mizoram, Kerala ama Khristan tamanger teimba aliba state sorkartemibo Centre nem khen shisadangdaksütsü atema langkabosa shir alitsüla sernung ibaji meinyaktet ozüing kümdaktsüogo. Külen, tamangba yimsü tsütsü reprangdangra India nung Muslim o Khristantemi anir ano tamangba yimsü aika lir anungji Hindu masüba tamangba yimsütem sabang ka nung adenshir Centre dang tesüiba nungi benshia aruba ama Vande Mataram nung mezüingbuba tekong ana ya dang tendi mesüra temdi ta shidanger alitsüla sernung yamaji inyakba kecha mali. Küna menur süaka Nagaland nung NSF-i anir kaketshir telok balalai Vande Mataram ozüing anema noktaka ya kanga tajung aser tasütait mapa ka lir. Centre sorkari angashitsüsa aser tashi angatsüsa teburchi mapa kar inyaksüla aser asen state sorkar-a arakzüksüsa NSF-i anir kaketshirtem teloktemi rongshitsüla. NSF-isa arkotong süa tanga state tem nunga kaketshir teloktem ajungmesoa longjemer linük ajunga anokshitsüsa aser Centre sorkari iba ozüing meyipa agitsüsa sentongtem renema inyak junger ta bilemer. Tatem nung Nagaland Baptist Churches Council (NBCC)-ia Khristan tamangertem asoshi bilemja aser iba ozüing yagi senso ajak malenbangtsüsa linük nung külem Khristan tamanger teloktem den mapa kar inyak nung jungdisü ta shidanger.

OLEMSABANG

Tiazü ki aser Tzümetsüing asadangba

P. Renthly Jamir

(Yashi adok nungi...)

Ano telok kati “Nagaland Tsüngremi shimtetba lima, tzümetsüing agi matongba lima” ta aten. Changtongya ya sea level nungi altitudes meters 940.40 ajungketa lir. Anungji tzümetsüing agi matongba lima ta aten. Saka July 19th aonung tzüla (Dikhu) tzü anüing tom tashi tua metsüingba agi süngjanglu, kozülu aser somomo lu ajak aoyi aküm, ango tzübo ajak nungbang, putu sa putu maruba tzümetsüing aru. Naga lima tesem balala Noklak altitudes 1524 meters ajungketa lir. Yangji ayongtem metsüingba agi lenmang, alu aser tsünüsenpongtsü raksaba nguogo. Naga lima rangpen koba tzümetsüing nungi ajungketa doktsü ta aten, tzü metsüing anentsü sashia liasü. District ajak len India Govt.-i sen crore sa crore indoka National Highway sentsüpranga menokteta ayuba tesem ajaklen pakti alonger ama longtena anenzüka oma, lenmang tilatem ajak shibang, yimten aser lokti tentet balalai mebenmatsüsa temerenshi timtem tulu aru.


Naga nunger atakatem Assam lima tashi lua timtemtsüsa ya koda? Lenden lima teti tzüngluruwa tzümetsüing agi kangshir saka kodanga Naga nunger nem tai metongloktsür. Saka tang tongtibangsa Sivasagar district nung koba tzümetsüing onsara tulu adok, iba ya Naga nunger dak tai tonglokja MLA Akhil Gogoi aser Assamese Youth Forum General Secretary Akhash Saikia nati ashiba nguogo. Kechiyong Naga lima nungi aluba tzümetsüing ya sayatenya ka liasü. Anungji Assam Chief Minister Himanta Biswa Sarma-i tamasabo ya tenemlen tua

anüing tom nung mepet telong pokmaba (Cloud Burst) agi atalok sudi ta ashi. Anogo ka 19th July dang tzünglu aru nung yamala sayatenya tzümetsüing arubaji tesüingmangtsü ka lir. Aser alima ka nung tokolakba kati yabo akhibo masü Tsüngremer sayatenya mepet pokma südi ta ashiba oji tapi o masü ta bilemer. Naga nunger kin ajaki taila ki asütsü tepo metsükshitepba onok teimba onok teimba ta sütep. Saka teyanglur Tsüngrem Kibubai kiji meyanglura kisürtem amajok nung belemer ta ashiba ataloka tiazü kitemji yutsür RCC lungki sentsüpranga alibatem konung manger mesangwa dang kar tzümetsüing agi, kar anentsü agi ta Naga lima tesem ajaklen kiojen raksabaji yutsür senti taküm aika sama. Lokti menen yong “Parnoki Ki yanglutsü saka item nungji malitsü, Nai ki yanglutsü saka iba nung na malitsü” **Zafania 1:13, Tazüingkonem 28:30** shin O atalok.

Ocet züluri yabo atakatem mapa, ya temoatsü masü ta zulu, oda tangarjibo yutsür Aor Reverend Noklang ana tema lir kati-a tasü ita tai dang tai ta meshitet. Tang sentsü-a pranga aliba road ajak to rüpo küma menoksar shishilembar talir mali süngjanglijang ajak shizüka oa indoker kiojen raksaa alu raksa, ango tzübo raksa, joko jebaka nüktzü malu Govt. nungi teyari (Relief) angutsü dang yongyaseta atateper. Saka tezüluri ashiba ama Govt. nungi anguba temoatsü dangbo Tsüngremer temoatsüsa tajungba. Nüburtemi aika yimlayonga India Govt.-i relief kwika agütsütsü aser aji lenzüngpur tulurtem pocketsa melemtsü. Ashiba ama asenoki tiazü seret, tiazü figure bener temoatsü bushi saka Tsüngrem shibai ochiba seret amer Pai ashi “**Na seret nung odangogo aser seret matu**”. Anungji district ajaklen ki tasen semzüksü ochi seret amsangi tzümetsüing aser anentsü yok aser African Swine Flu yok. Ochi mashiba kin Naga nunger kwika tang timtem nung lir, tejashi nung lir. “**Kechiyong Pai odangbo timtem magütsür mesüra nisung chirtem mejashidaktsür**”. Tang Naga nunger dangi Tsüngrem terasaba atakatem tatembangba tamanger tenlaki nung tsüingi ailokja Kangki raksaba osang angashia iba tatalokba shin O bilemteter “**Pa sentep ki Pai raksatsüogo, Kibubai Pa tenladak jentokogo, Pai Pa temeshidak sentokogo**” **Ayatai 2:6-7**. Meimchiri lipok nungi tzüingi ailoktsübaji Tsüngrem terasaba tatembangbuba atakatem ta jembia aru aser jembibaji tapi agi jembir masü.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Pembrokeshire nung Welsh oshi nung osangtajung kaket pezü



Rev. Lyn Lewis Dafis

August 14, 2026: North Pembrokeshire nung jembiba Welsh oshi nung osangtajung kaket pezü (Mathi, Mark, Luk & Yohan) sayaogo.

South Pembrokeshire nung nütsüng teimbakati English oshi jembir saka north Pembrokeshire nungbo Welsh temeja oshi ka jembir.

Rev. Lyn Lewis Dafis-i osangtajung kaket pezüji iba oshi nung meyipzükja liasü.

Laishir, Rev. Lyn Lewis Dafis ya 1960 küm Llain, Mynachlog-Ddu, south-west Wales nung aso. Aberystwyth

University nung pai Welsh Language & Literature azüngba sülen pa küm 25 tashi National Library of Wales nung Librarian inyaka liasü.

Pa Wales nung aliba Anglican Church nung inyakba sülen 2015 küm deacon ordain süa liasü aser 2016 küm putir aküm.

Pa St John's Church, Penrhyncoch nunga vicar inyak. 2021 küm pa Diocese of St David nung Welsh Language Officer shim aser Church in Wales' Welsh Language Committee nung züngsem

aküm.
Pa 2022 küm arrshi küm 61 lia asü.
Rev Dafis-i north Pembrokeshire nung jembiba Welsh oshi nung osangtajung kaket pezüji meyipzüktsü. Pai Laishiba meyipzüktsüba project ya 2,000 küm renem saka pa asüba mapang tashi nunga madoki liasü.

Pa süadokba sülen par kibong dang nungi temelaba meshia pai meyipzükba Y Beder Ifengyl yn iaith Sir Benfro (The Four Gospels in Pembrokeshire Welsh) ji online nung saya aser 2026 küm Bible Society-i audio recording ka saya.

Osangtajung kaket pezü indang audio ji Lyn Lewis Dafis nem akhüm agüja August 6, 2026 nü Eisteddfod sentong nung sayaogo.

Osangtajung kaket pezüji mobile app store nungi free ap Beibl app download asüba sülen 'Y Beder Ifengyl' select asüba ajanga angatettsü. Ibaji YouVersion nunga angutsü.

Anti-conversion ozüing kübok tai tonglokja alir UK nunger ka chiok

August 14, 2026: August 12, 2026 nü Maharashtra nung Court of additional sessions judge A S Gandhi-i British nunger aser Overseas Citizen of India (OCI) cardholder, Pankaj Devnoor bail nung chiokogo.

Maharashtra nung tang tasen benokba anti-conversion ozüing kübok bail angur mezünghubaji pa asütsü.

Maharashtra Freedom of Religion Act, 2026 ozüing ya August 1 nü benoka liasü, iba sülen iba ozüing kübok Pune police-i ken ana benokogo.

Court-i Devnoor dang hopta shia Hombar, Bodhbar aser Hokolbar anogotem nung anepdang 10:00 ako nungi nikongdang 1:00 ako tsüingda police station-i arutsüla aser investigating officer-i jaokba shia arutsüla, ta tuyu.

Court dang nungi temelaba magii pai India toktsür aotsü makok, iba denji külemi sobaliba

mesüra yimsü dak sendakba sentong kecha nunga pai shilem agitsü makok.

Iba ken o ya maneni August 25 nü angadangtsü.

Devnoor ya Manchester yimti nung alir aser pa ya Satara district kübok Wai nungi lir.

August 7, 2026 nü Pune yimti kübok Guruwar Peth nung pai tekülem kidang sayutsüingia liasü.

Pa atema ken o jembitsüri, iba sentong nungji adentsü atema Devnoor jaoka liasü, ta ashi.

Bhavani Beth nung rickshaw driver, Amit Bhosale-i social media ajanga iba sentong ayongzükbaji metetba sülen pa- a iba sentong nungji oa aden.

Amit-i, Devnoor-i Hindu nunger tsüngremtem indang osang tai agütsü aser Yisu-i tzünglu arudaktsütettsü aser shirang aneptsütettsü ta jembia liasü, ta shia Devnoor anema

ken o benoka liasü.

Nisung 80-100 shi adenshiba sentong nungji Devnoor-i Hindu yimsü anema jembi aser Khristan tesayubatem lemsatep, aser iba ya Hindu nungertem Khristan yimsü dangi meyipdaktsütsü atema liasü, ta FIR nungji shia lir.

Khadak police-i August 9 nü Devnoor aser sentong ayongzükertem anema ken o benok. Immigration and Foreigners Act, 2025 aser Maharashtra Freedom of Religion Act, 2026 kübok Sections 3(1)(a)(iii), (v), (viii), 9(1) aser 11(1)(2) kübok parnok anema ken o benok.

Police-i ashiba agi, OCI cardholder temi sarasadem sentongtem aser yimsü dak sendakba sentongtem nung shilem agitsü akok, ajisiüaka item ama sentong nung o jembitsü mesüra sayutsüngitsü atemabo jelia temelaba meshitsü nüngdak.

ANOGO ABEN TSÜNGREM DEN

Temeimi tajungtiba bilemer

Temeimi...ajak azüzüker, ajak amanger, ajak yimlar, ajak aremer. 1 Korint 13:7

Temeim tatakzük mali. Temeimi kodanga mashir, "Na talang ka pilaa ogo. Ni tang na meimtsü makok." "Ajak" tetezü kechisarena dena lir. Khrista mesükba temeimi temulungjang nung tangar dang kecha arendaka mayu maneni meimer. Na anasa alirtem mapa tamajung inyakaka, nai parnok ne temeimi sotta mayur. Parnoka anema kecha tamajung mebilemer.

Temeimi tangar asoshi tajungtiba bilemer. Kari na anema asaa tamajung inyakaka, mapaji asaa inyakba masü ta nai bilemer. Kari na yirutsütsü bushira, nai mapa ajakji aremzüker, tai adoker. Timtem mapang nung teimla agütsüra nai aji agizüker. Kari maneni arütsüra, nai ajakji aremzüker. Nai meimba dak nai kodanga teyimla mesamar. Khristai ne nem agütsüba dak nai maneni kecha jenjang makai meimer.

Pauli ashir, tenem ajungdoktettsüsa pa tamang liaka aji kecha masü, kotak tenyar temeli aser shin o ajak angatettsü sempet liaka, temeim melira aji kecha masü. 1 Korint 13 nung Tsüngremi pei asoshi kecha mebilemi na meimba jungkai adoktsür. Tang iba temeimji na ajanga tangar dang sayutsü Tsüngrem dang sarasademang.

Yimsü, kin aser tangatetba ajak kasa akhümtsübutsüla: NBCC

Kohima, Luroi/August 14 (TYO): India nung sensotem tangatetba balala dang 'Vande Mataram' tekong akhümtsübutepba agi lir. ajak atentsü atema Anungji ken temeja ka, maitsü, tetuyubatem agütsüba atema inyaksangshi mesüra Nagaland Baptist Church Council (NBCC)-i tebilemtsü tangatetba kaji kin balala atema tetezü balala asütsü. Anungji kanga akar, ta NBCC General linük aser rejutemi kanga Secretary Rev. Dr. Mar atsüanema inyaksangshitsüla. Pongener aser NBCC Social Telongjemji 'uniformity' den Concern Secretary, Dr. Villo saku masü aser linük meimbaji Naleo nati sangdong ka ajanga kangshia mebenoktsüla," ta metetdaktsü. sangdong nung shia lir.

"Onoki linük maitsütem, linük meimba inyaksangshi ketdangertem, shisaliok balala aser India temzüng nung rejutem, kaketshir tentettem, alibatem akhümtsübur. Ajisüaka Arogotem, lokti tentettem aser linük meimbaji kangshia nübur ajak dang shisa kaa, benokba agi masü saka pei sasa atsüanema aser linük temzüng melungteta shilem agiba ajanga kübok iba onük ya kanga junga sayutsüla," ta NBCC sangdong bentettsü mepishir. Sensotem nung shia lir. onüktemji

"Iba dak sendakba nung angadangtsüla aser tangatetba NBCC-i osangkakettem nung balala ajakji akhümtsübutsüla," sangdong ka agütsüogo aser ta NBCC-i metetdaktsü. onok tangatetbaji memelenshir. "Iba denji külemi NBCC-i Yimsü, tangatetba, yimsü dak stakeholders ajak dang pei sendakba tangatetba aser nija tangatetbaji tajungtiba nung maitsütemji akhümtsübutsü benoktsü mepishir. Linük nüngdak," ta sangdong nung temaitsütem mesüra linük shia lir. meimba inyaksangshi dak

"India ya nübur tapu balala sendakba mangatettep adokba aika temeyoktep aika aliba ajanga rara madokdaksütsüla linük ka lir. Iba linük ajungba aser lokti nung telemsa ya nüburtem longjema aliba agi madokdaksütsüla," ta NBCC-dang masü saka yimsü, isa ayongzük.



Yaküm October ita nung Niger nung nisung asemei puer aosang, America nunger missionary pilot, Kevin Rideout chiokogo. Pa ya North Carolina nung amenoka aliba Evangelical organization 'Serving In Mission' nung inyaker. Rideout apuba sülen Arogotem aser Khristanem aikati mapang talangka pa atema sarasademja aruogo.

AO OSHI ANGAZÜKDAK:**TANÜ ANGAZÜKTSÜBA OJANG**

Tir Yimyim

Züingpong


(adv) shitakba, ochiba (Truly)

* Ochishiribo züingpong o dang jembir.

Züingsem

(v) züinglok, dendaktsü (included)

* Lokti mapai aotsü purtem rongnung nia züingsem.

OLONG PAITEP # 7598**TIPIEN**

1. Ki mapa inyaksü ayuba - (5)
5. Teronem menemba aonsotsü - (6)
7. Tashi mangar - (6)
11. Tesem - (4)
12. Süngjang o temeche na tsüingda - (4)
15. Asüingdangba ashi - (6)
17. Tensa - (6)
18. Mi nung atsük - (5)

LANGTSÜNGLEN

2. Tashii masü - (4)
3. Nisung aika masü - (3)
4. Talang masü - (3)
5. Tesülen-i aluba - (9)
6. Süng agi yangluba auso - (6)
8. Junga angatet - (5)
9. Amangbapur tentet - (5)
10. Tenüki agi manguba - (6)
13. Süng lanu - (4)
14. Ali nung tsük - (3)
16. Maneni - (3)

OLONG PAITEP # 7597 TELANGZÜBA**TIPIEN :**

1. Telok, 4. Aluru, 6. Ozüing, 8. Emk,
9. Kin, 10. Teti, 12. Süir, 13. Jen,
14. Ola, 16. Talak, 17. Mazük.

LANGTSÜNGLEN :

1. Tenükjang, 2. Luden, 3. Kiochtsü,
5. Lenti, 7. Tajangzük, 11. teronem,
12. Sempa, 13. Jahaz.

NAI-A YA METETTER MA

China nung Experimental Bullet Train ka ajanga World Record yangluogo aser ibaji second 5.3 nung dang 800 Kmph otetba lir.

Hubei province nung aliba Ivba Donghu Laboratory nung 1.1-tonne experimental maglev train jagi 1-km track nung tetendangba tembanga liasü. Ajisüaka regular passenger trains ama masü saka iba experimental train ya nisungtem anitsü atema masü saka technologies tendangtsü atema lir ta Researchers-i ashir. Yaserbo iba ya rocketry, aerospace aser other high-speed systems nung amshitet tsü ta parnoki metetdaksüogo.

Assam nung I-Day jakdang security akangshir**Guwahati, August 14, 2026**

(Agencies): Assam nung telungpur teloktemi mokdang ayongba sülen Independence Day benjungmung jakdang state ajungalen security akangshiogo.

Benjung amungdak, tongti tesemtem, public tesemtem aser tanga tesem aika nung Independence Day tiptema amungtsü atema security akangshiogo ta ketdangsürtemi ashi.

"Sentong balala nung meinprong kecha malitsü atema patrolling südar. Timtem maliba

Independence Day ka amungtsü onoki amanger" ta police ketdangsür kati ashi.

Assam nungsa state balala den arrtsülen special vigil südar aser iba ya lendong kecha mataloktsü atema lir ta paisa ashi.

Asüing Chief Minister Himanta Biswa Sarma-i Khanapara field, Guwahati nung linük wako atsükettsü.

ULFA(I) aser NSCN/ GPRN teloktemi Assam, Arunachal Pradesh, Manipur aser Nagaland nung Independence Day mokdangtsü

ayongzüko.

Parnoki nübortem dang benjungmung nung shilem magitsü ayongzüko saka Assam kübok tesem kar nung tüzümet süng tensa aliba agi 'general strike' mayongzü.

Northeast Frontier Railway (NFR)-ia passengers, trains aser railway property kümzüka ayutsü atema security maparen akangshiogo.

Railway Protection Force-i railway stations, trains aser railway premises nung patrolling aser surveillance ulushiogo.

Bongaigaon nung tatsük asüba agi school mapang melenshir**Guwahati, August 14, 2026**

(Agencies): Assam kübok Bongaigaon district nung school tem anepdang 7:30 ako nung tenzüksü aser anüingdang 12:30 ako tembangtsü.

Kanga tatsük akümba agi school timing meyipa reprangshiogo ta ketdangsürtemi ashi.

Mapang tasen melenshiba ya government, provincialised, self-financed aser private lower primary, upper primary aser secondary schools ajak nung

benshitsü ta ketdangsürtemi metetdaksüogo.

Class V tashi aliba lower primary schools nung anepdang 7:30 ako nungi anepdang 11:30 ako tashi aser Class VI nungi VIII tashi aliba upper primary schools nung anepdang 7:30 ako nungi anüingdang 12:00 ako tashi lapoktsü.

Maneni, Class IX nungi XII tashi aliba secondary school tem anepdang 7:30 ako nungi anüingdang 12:30 ako tashi lapoktsü.

Iba tetuyuba ya Inspector of Schools, BDC, Bongaigaon ajanga agütsü. Paisa District Elementary Education Officer in-charge bena lir aser bangdakpur nungi temelaba ngur iba tetuyuba agütsüogo.

School temi kaketshirtem tatsük nungi kümzüka ayutsü atema mapatem inyaksüla. Anepdang assembly akhümpok mesüra taktang tulu nung agitsüla aser classrooms nung seating, drinking water aser functioning electric fans alitsüla.

West Khasi Hills nung tsüingi agi adianu aiset; 8 yirua lir**Shillong, August 14, 2026**

(Agencies): Meghalaya kübok West Khasi Hills district nung August 11, 2026 anüingdang tsüingi agi lanur ana aiset aser ti yiru.

August 11 nikongdang 3:00 ako meta iba lendong ya

Mawsnapwir village nung atalok. Iba mapang lanurtem football match ka tasayadak liasü ta police-i ashi.

Iba lendong nung asür ya Mickson Kshiar aser Cleverson Kshiar na liasü aser tena ya Lawrapha village nung liasü.

Adianu ana ya Lawrapha team tenüing nungi Marskuin den asayadang tsüingi agi aiset.

Iba tatalokba nung asayar ti yiru aser parnok Nongstoin Civil Hospital aser St. Joseph Hospital nung anir oa anepaludar.

केनरा बैंक Canara Bank NEW BRANCH WE STAND 	KIOJEN AYOKTSÜ SANGDONG	SPECIALIZED ASSET RECOVERY MANAGEMENT BRANCH 2nd Floor, Dee Bee Grande, 6 Mile, Panjabari Road, Guwahati-781022, E-mail- cb7259@canarabank.com
Securitisation and Reconstruction of Financial Assets and Enforcement of Security Interest Act, 2002 aser Rules 8(6) of the Security Interest (Enforcement) Rules, 2002 kübok kiojen E-auction asütsü sangdong.		
Public dang, talisa tsüinglanglen shia aliba sen apur (tem) aser Guarantor (tem) dang ya sangdonger, Secured Creditor dang mortgaged süa aliba tsüinglanglen shia aliba kiojen ya Canara Bank nung Authorised Officer-i agiadokogo aser ibaji Canara Bank Branch-i sen apur & Guarantor dang nungi sentsüh alangzüksü atema 31.08.2026 anogo nung kiojenji "Kong aliar yamaji" aser "Yangji aliba ajak" basis nung ayoktsü.		
Earnest Money Deposit (EMD) ji 31.08.2026 anogo nikongdang 11:00 ako tashi nung mesüra iba anogo matongdang asütsü.		
Auction ji website: https://baanknet.com/ ajanga "Online E-auctioning" asütsü.		
Auction anogo aser mapang: 31.08.2026 anogo nung anüingdang 11:00 ako nungi nikongdang 12:00 ako tashi (Ayokba maparen metembang tashi minute pongungu (5) atsülangtsü).		
Branch, sen apur/guarantor, liability, kiojen osang aser EMD, reserve price osang tejangja:		
(A) Secured Creditor/Branch Tenüing aser Address	Brief Description of Immovable Property	(A) Total Liabilities (Rs.):
(B) Sen apur Borrower / Partner / Guarantor tenüing		(B) Reserve Price (Rs.):
(A) Canara Bank, Specialised ARM Branch, Guwahati	Revenue Circle- Dimapur, Dist.- Dimapur, Nagaland kübok Thilixu, 3rd Mile, Block- IV, Bye Lane 5 nung Mr. Shiniho Kakheto Jakhalu tenüing nung aliba ali tasazük 1 Bigha 02 Katha 10 Lechas (200ft * 180ft = 36000.00 Sqft)	(C) EMD (Rs.):
(B) Borrower / Partner / Guarantor:	As per land allotment order SI. No. 90 dated 25.05.2012 Bounded as under:-	(D) Increment Amount (Rs.):
Shiniho Kakheto Jakhalu	North: Approach Road, South: Fishery, East: Paddy Field, West: Holiheli.	(A) 93.35 Lakh
S/o Shiniho, Marble and Granite House, Purana Bazaar, Kohima Road, Dimapur, Nagaland, PIN- 797112		(B) 92.96 Lakh
		(C) 9.30 Lakh
		(D) 0.50 Lakh
Iba sale telatetbatem aser osang tejangja Canara Bank indang website (www.canarabank.com) nung link "E-Auction" nung angutsü mesüra mapa inyakba anogotem nung office mapang yangi tongtepratepang- Branch Head of Specialised ARM Branch, Guwahati, 2nd Floor, Dee Bee Grande, Panjabari Road, Six Mile, Guwahati, PIN- 781022, Contact No. +91-7411004517 .		
Date: 13.08.2026, Place: Guwahati		

Authorised Officer, CANARA BANK

Onoki mapang telatet ka makai tenokdangba agütsütettsü: US

Panama City, August 14 (Agencies): United States-i ashiba agi parnoki Iran nem mapang telatetka makai rong senzüsenpong nung tenokdangba agütsütettsü aser rongsenketzüng dak sendakba nung Tehran tali nongshitsü.

Ceasefire atema sensaksem takok mongutetba den, alima nung totzü supply tajemba akümba aser Middle east nung tensa tamajungba küma aoba mapang US-i iba olen ya lemsatepogo.

Defense Secretary Pete Hegseth-i osangbenertem dang ashiba agi, Iran nem tenokdangba agütsütsü atema iba tesemi navy yoktsü asoshi U.S. military dak tashi lir. Iba tenokdangba agütsüba ajanga Iran rongsenketzüng raksatsüogo.

"United States Navy-i mapang telatet ka makai tenokdangba agütsütettsü, kechiyong onoki tang ama rong dang melenteptsü aser maneni yamai inyakyonga aotsü," ta Hegseth-i Panama semdangba mapang osangbenertem dang ashi.

Treasury Secretary Scott Bessent-i Brehostibarnü ashiba agi, Iran rongsenketzüng raksatsütsü asoshi United States sentong lir.

"Taruba hopta osangtem atema iba tapak repranga liang. Onoki puti otsü nung shinga nema rongsenketzüng nung tenokdangba magütsüdangbala ka agütsütsü," ta pai Newsmax's "Rob Schmitt Tonight" program nung interview ka mapang ashi.

June ita rara tembangdaksütsü asoshi tenangzüktep yangluba mebenokteti aliba mapang Iran-i Strait of Hormuz ya aziüoka yuner.

Parnoki iba tongtimbang tzü lenmang nung rong kar

makogo. February ita rara metenzük tsüngda iba tzü lenmang ajanga alima totzü aser liquefied natural gas supply pongusübo süa liasü.

Abu Dhabi National Oil Company indang rong ana Brehostibar nikongtsütsü iba tesem adena aoba mapang amak, ta UAE state news agency WAM-i metetdaksü. Iran-i item rongtem amakba atema United Arab Emirates sorkari parnok aitsüogo.

Kasa mapang nung rara tembangdaksütsü atema US tir Donald Trump-a linük nung tenongshiba tali kümogo. Totzü nung jenjang tali akümba ajanga nüburtem mepelar aser iba ajanga November ita midterm elections nung party-i Congress aziüoker aliba nung tetsükdaksü adoktsü akok.

US-i iba strait ya kanga junga aziüoka lir ta Trump-i shia arudar, koba Iran-i magizüker. Tehran-i ashiba agi, parnok takhangbatem mataloktsü tashi iba tzü lenmang ya lapoktsü memelatsü ta shiogo. Takhangba rongnung rongsenketzüng nung tenokdangba agütsür aliba aser Iran indang rongsen tamshi mejungi kümdaksür alibatem salatsütsüba densema lir.

Mongolbarnü tashi nungbo Strait of Hormuz ajanga rong ti dang süia liasü. Anogo 10 tejakdangbo anogo shia rong 12 bo süa liasü aser rara metenzük tsüngda iba tzü lenmang ajanga anogo nung rong 130 nungi 140 tashi süia liasü.

U.S.-i June ita tom nung Iran indang rong aser rongnendak balala nem tenokdangba agütsür aliba agintsü, saka tanaben benokshioغو aser iba ajanga Tehran kanga akoksa arudar.

Strait of Hormuz nung

shishilemba dang amshiba rongtem senzüdaksütsü atema Iran aser Oman na tangatettep ka dangi aruba sülen Iran nem tenokdangba agütsür alibatem agintsütsü ta Washington-i taoba mapang metetdaksüogo.

Trump-isa, Iran tesashiba amaktsü amokmerena aruogo, ajisüaka pai tang tashibo sepaitem meyok mesüra tongtimbang asetkongtem matsüng aser desalination plant tem nung bomb mepokloksüi arudar. Iba hopta tetenzüklen pai military tashi masü saka rongsenketzüng nung tenokdangba-ang tali agütsütsü ta shiogo.

U.S.-i Iran aser Iran-i prangbong injang aser hadir balala alitsü atema teyari agütsüba nisungtem aser lokti tentet balala nem tenokdangba agütsüogo, ajisüaka iba ajanga Tehran sensaksemtsü atema anir maruteti lir.

Iba rara ajanga alima ajunga rongsenketzüng mejungi akümba indang jembiba mapang International Energy Agency-i Bodhbarnü ashiba agi, alima ajunga nung anogo nung totzü barrel million 4.3 dang supply sütettsü. Ita ka tejakdang iba agency yagi anogo nung totzü barrel million 3.7 dang supply sütettsü ta shir liasü.

Maneni Iran den sendaktepa aliba Houthis teloki Saudi indang Aramco refinery drone amshia amakba ajanga market dak kongshiogo aser middle east nung rara tamajungba küma aotsü ta tsübua bilemer.

Global economists-i ashiba agi, rara ajanga alima terenlok tamajungba kümogo aser tesem karbo kanga mejungi kongshitsü akok. Parnokisa rara yakta manenra iba ajanga rongsenketzü dak tamajungba kongshitsü.

TENÜNGSANG AGÜTSÜR



Onok LONGCHARI PHAJA CHANGKI-i Mokokchung kübok Changki yimtsüng nungi Watsü **TIAMONGLA LONGCHARI** nem GURU Shishya Parampara Scheme, Ministry of Culture Govemment of India kübok chipo atepba nung "GURU" nüngja jaloktsüba atema tenüngsang tetushi agütsür. Iba national tetushi ajanga lai la taküm tepeyong asen tetsü tebou inyakyim wazüka ayutsü atema bendanga agüja inyakba sayur. Changki nung chipo atepba ya senmang ka lir, koba Neolithic art form ka lir aser chipo atepdang amshiba wheel mamshi-i nisung teka, ali aser mi dang amshia chipo ateper. National Guru ka ama nü nükla ajanga lanurtem lenmang sangwatsütsü aser asen senmang kodanga sama modaksütsü imlar. Tulusang Tsüngremi nü nem arishi, anema aliba aser taruba putu dang len sayutsü atema tatem maka shisatsü maojang, ta onok sarasadem.

Sd/- WANGSHIMEREN LONGCHARI President Longchari Phaja Changki	Sd/- SENTIZULU LONGCHARI General Secretary Longchari Phaja Changki
---	--

Office of the MOLUNGYIMSEN SENSO MUNGDANG

P.O. Tuli, Mokokchung : Nagaland

TENÜNGSANG AGÜTSÜR

Molungyimsen Senso Mungdang-i tsünglanglen agüja aliba senso anati pei inyakba wadang nung jenjang temabai atuba aser takok anguba atema tenüngsang tulu agütsür aser yimkong asoshi konang bentsür aruba atema pelaba metetdaksür.

- Wb. J. Bendang Sanglir, IPS, (Retd.)'er jabaso **Wb.Imnalensa, IPS**-i Nagaland Police nung IGP (Armed BN-NAP) jenjang atongba atema,
- Asür Wb. Moatemjen Mozür'er jabaso **Sp. Limatongzük Mozür**-i UPSC Combined Defence Service (CDS) Examination ajanga Services Selection Board (SSB) nung takok tulu ngur 17 Dogra Regiment, Indian Army nung Lieutenant mapa anguba atema.

Tsüngremi nüna taküm aser wadang maneni moajangma.

Sd/- N. Joseph Lemtur. President	Sd/- B. Imsuinba Jamir Secretary
---	---

GOVERNMENT OF NAGALAND DIRECTORATE OF TECHNICAL EDUCATION NAGALAND : KOHIMA - 797004

NO.DTE/SCHO-10/2026/ Dated, Kohima the Aug. 2026.

NOTIFICATION

It is hereby informed to all the general public and the student community that with the introduction of Aadhaar Payment Bridge (APB) under DBT, 100% Aadhaar seeding with Bank Account of beneficiaries is made mandatory for all the eligible applicants for state Technical Scholarship.

The following points may be noted: -

- Students belonging to Scheduled Tribes of Nagaland pursuing (Diploma/Undergraduate and Post graduate courses in Engineering (both Fresh and Renewal) within India, recognized by AICTE & Council of Architecture to complete online registration for scholarship.
- The portal shall be open w.e.f 1st October 2026 to 31st December 2026.
- After successfully applied online, hard copy of the said application should be submitted to the office of the Department of Technical Education on or before 22nd January 2027 after which no forms will be accepted.

Application Platform
URL:https://scholarship.nagaland.gov.in

Sd/-
(ER. VIPULHOU LHOUNGU)
Director

Mali nung telungpurtemi pur aoba sepai 82 chiokogo

Bamako, Luroi/August 14 (Agencies): Mali sorkari ashiba agi, telungpurtemi pua aliba sepai 82 chiokogo.

Sepaitem chiokba ya Mali army-i Brehostibarnü metetdaksü, koba state television ajanga sangdonga liasü. Army-i ashiba agi, sepaitem ya al-Qaeda den sendaka aliba telok aser nüjiso bushiba telok kati pua yur liasü.

"Parnok pur oli nungi inyakyim balala benoka inyakba sülen parnok chiokba ajanga iba inyakyim tembangogo," ta kasa sangdong ajangasa metetdaksü. Sepaitem ya ajak junga lir aser ketdangsürtemi anepaludar.

Al-Qaeda den sendaktepa aliba Jama'at Nusrat al-Islam wal Muslimin (JNIM) telok aser Tuareg-i aniba Azawad

Liberation Front (FLA) nati April 25 nü Bamako indang airport aser tanga tesemtem amakba nangzükogo. Iba mapang Defence Minister Sadio Camara tepseta liasü.

Telok ana yagisa, July 4 nü Mali kübok army tamendakdak balala amakba nangzükogo.

FLA-i Brehostibarnü sangdong ka ajanga ashiba agi, 2023 nungi 2026 küm tsüngda parnoki pur aoba sepai 80 chiokogo.

FLA otongdar Mohamed Elmaouloud Ramadane-i ashiba agi, meimchi temeden dak ajemdaker sepaitem ya chiokogo.

Paisa, sepaitem ya karbo 2023 küm nungi tepuokdak yua liasü aser ano sepai 118 shi parnok ket nung lir, ta ashi.

Mali indang Ministry of

Foreign Affairs nungi source kati AFP news agency dang ashiba agi, sepaitem chiokdaksütsü atema Algeria teyongtsüi ia jenjang agia liasü.

Mali nung 2012 küm nungi civil war ka rara arudar. Tuareg nüjiso bushiba teloki al-Qaeda aser ISIL (ISIS) amala teloktem nem lenmang lapoktsüba sülen rara tenzüka liasü.

2021 küm sorkar atsüngtokba sülen military-i linük yimsüsüa arudar aser parnoki linük süngjema kümdaksütsü aser linük ajunga longjemdaksütsü nangzükogo.

Mali nungi France nunger sepaitem aser United Nations peacekeepers 15,000 mintoka Russia indang paramilitary tem aniokba sülen JNIM pur tashi taitba kümogo.

TATA Steel-i Jamshedpur FC nung parnok stake ajak Churchill Brothers dang yokogo



Luroi/August 14, 2026

(Agencies): TATA Steel-i, Jamshedpur Football and Sporting Private Limited (JFSPL) nung parnok indang stake ajak Goa indang Churchill Brothers Sports Club Private Limited dang sen 100 agi ayoktsü temelaba agütsüogo. Indian Super League (ISL) club Jamshedpur FC ya iba company meyong liasü.

TATA Steel indang Committee of Directors-i Hokolbarnü temelaba agütsüba nung equity shares crore 4.08 ajak agütsütsüba densema lir. TATA Steel aser Churchill

Brothers natisa iba tenangzüktepba indang terms tem metetdaksüba Share Purchase Agreement ka nung sign sütepogo.

Iba share ayokba ya All India Football Federation (AIFF)-i agizütsüla aser August 31 nü tashi nungbo tembanga inyaktsü imlar.

Tenangzüktepba nung shilem ka ama Jamshedpur FC indang ISL sporting licence ya Churchill Brothers nem agütsütsü. Goa nung amendaker aliba club yagi Jamshedpur FC nungi asayar 12, coach ana indang contract ya September 2026 nungi agitsü, aser iba ajanga parnok ISL nung maneni asayatsü asoshi maongka agütsütsü.

Iba jenjang agiba ajanga TATA Steel-i Jamshedpur FC ketdangsüa aliba tembangtsü. Iba club ya Jharkhand nung

amendaka aliba company indang sporting ecosystem nung shilem ka liasü.

Ajisüaka TATA Steel-i ashiba agi, grassroots nung football asaya ajungkettsü atema parnoki maneni inyaktsü.

Churchill Brothers ya India nung football asaya nung kanga nüngtugu lir aser parnok Goa nung amendaker küm 40 shi asaya arydar aser iba mapang I-League title ana tashi benogo.

Jamshedpur FC pur ISL nung masayatsü asoshi telemtetba agiba sülen AIFF-i iba ya asadangshitsü asoshi parnok nem August 12 nü tashi mapang agüja liasü.

Kasa mapang nung Churchill Brothers pur ya AIFF-i third tier (I-League 2)-i relegate sütsür liasü. Mangatettep kar aliba ajanga parnok relegate sütsür liasü.

Iga Swiatek-i Canadian Open kokogo



Luroi/August 14, 2026

(Agencies): Canadian Open final nung Elena Rybakina straight set nung akokba sülen Iga Swiatek-i taküm mezüngbuba WTA title benogo.

Grand Slam trok koker alila yagi final nung 6-2 6-3 agi world number two Rybakina madak takok ngua liasü.

Australian Open champion Rybakina-i mezüngbuba set nung junga masayatet aser unforced errors 12 mena liasü aser kasa mapang nung Swiatek-i Kazakhstan tsürla indang serve anaben break asü aser break points ana tashi kümzükteta liasü.

Tanabuba set nung Rybakina-i Swiatek indang serve ka danga break mesütetba sülen Polish tsürla yagi ghonda ka ser minute 15 nung asaya koka la indang career nung title 26buba benogo.

"Iba asayamung akokba ya kü atema kanga tongtibang lir, kechiyong ita ishika junga masayateti aruogo," ta Swiatek-i ashi.

Swiatek-i taküm Grand Slam asemprongla nung junga

masayatet. Australian Open nung la quarter-finals nung Rybakina-i tsükdakja liasü. French Open aser Wimbledon na nunga la round pezübuba aser tasembuba nung tsüker liasü.

Kasa mapang nung Great Britain tsür Katie Boulter-i America tsür Katie Volynets 7-5 0-6 6-4 koka Cincinnati Open nung mezüngbuba asaya kokogo.

Mezüngbuba round akokba sülen Boulter ya tanabuba round nung champion aser sixth seed Linda Noskova den asayatsü.

Canadian Open tebur kija asaya final nung fifth seed Ben Shelton-i 6-3 7-6 (7-4) agi America nunger asayar Brandon Nakashima kokogo.

2003 küm Andy Roddick aser Mardy Fish na Cincinnati nung final asayaba sülen tang mezüngbuba nung America nunger ana final ka asayaogo.

Kasa mapang nung 2016 küm Novak Djokovic sülen Shelton ya set ka nung danga tamakok mongui Canadian Open akokba mezüngbuba asayar kümogo.

Phesama nung Mini World Cup tenzükogo



Kohima, Luroi/August 14 (TYO): 8buba Phesama Mini World Cup Honibarnü St. Paul School Ground, Phesama nung Kohima Municipal Council Ward 19, Councillor Medoviu Martin Suohu -i lapoktsüogo. Iba asayamung ya "Connecting Phesama," omen nung ajemdaker asayadar.

Asayamung ya FIFA World Cup indang replica ka lir aser iba ajanga Phesama nung football asaya jangrartem longjemdaksütsü aser lokti telongjem tali akangshidaksütsü. Phesama kübok kiyong pezü nungi team trok iba asayamung nung shilem agitsü aser team trok yagi Italy, Argentina, England, Japan, Brazil aser Spain uniform tem asemtsü.

Sentong nung o jembiba mapang tongti tejaoker Suohu-i, asaya ajanga nüburtem longjemdaksüba atema asayamung ayongertem dang kanga pelaba lemsatep. Paisa, asayamung ajanga telongjem adokdaksüba ngua kanga pelaba lemsatep.

Football asaya ya kanga

nüngtugu asaya ka ta shia Suohu-i, asaya junga asayatetsü asoshi angatetpa asayatsü, asayar liromedemtsü aser teamwork den pusemertem nüngdaker ta ashi. Paisa, asayamung ayongertem dang tarutsü nunga iba asayamung ya maneni tajungba ayongzüka asayatsü ajungshi.

Asayamung lapokba sentong nung Vizokho Zashümo-i o jembiba mapang, Phesama Mini World Cup ya yimtsüng nung kanga tongtibang asayamung ka kümogo, aser iba ajanga lanurtem aser football asayatsü jangrartem longjemdaksüba dang masü saka telongjem aser sempet aketba asayartem ajungketer, ta ashi.

Sentong nung tongti tejaokeri wako saltsü aser asayamung lapokba sangdonga liasü.

Asayamung lapokba sentong ya Organising Committee Convener Thejanguzo Zashümo lenisüba nung agi, Fr. Rajesh Lobo SJ, Parish Priest aser St. Paul Institute of Education Principal

Fr. Rajesh Lobo SJ-i sarasadem aser Menuoselie Zashümo-i omen ken tena liasü.

Asayamung ya Honibarnü tembangtsü.

Spain nunger asayar Ferran Torres PSG nung denogo



Luroi/August 14, 2026

(Agencies): Barcelona-i World Cup final nung Spain atema goal ka idaktsüsang Ferran Torres Paris Saint-Germa dang euro million 50 jungnüa agi ayongtsü atema mulunga agizükogo.

Arishi küm 26 asayar atema club ana tangatettep ka dangi

aruogo aser pai küm pongu atema tenangzüktepba yanglutsü, ta Barcelona source temi metetdaksü.

Tanungba paperwork aser medical tetendangba yabo formality ka dang asütsü, ta parnoki ashi.

Torres ya Barca nungi asayatsü atema küm ka dang anunger liasü, shirnoki Hombarnü euro million 40 bid asübabo magizük.

Torres ya 2021 küm Manchester City nungi euro million 55 agi alizük aser pa Robert Lewandowski indang backup ama centre-forward nung asaya liasü.

Torres ya timba substitute

ama dang asaya aser pai taoba season ana nung tetoktepba ajak nung asaya 94 nung goal 40 idaktsüogo.

Taküm Argentina den World Cup final asaya nung pai mapang apuloktsür asayaba mapang goal ka idakja Spain team takok dangi ania liasü.

Pai club toktsüba ajanga Barca pur centre-forward ka bushitsüsa akümtsü, kechiyong Lewandowski aser Marcus Rashford napronglai club toktsüogo.

Club-i England nunger asayar Anthony Gordon Newcastle nungi aser Borussia Dortmund nungi Karim Adeyemi nabo alizükogo.

BILEMDANGANG

"Tatidang nung tsükba nisungjibo sabi agütsür jajadaksüba kol dang mesük"